


Home / 2025 / April / UiTM Dengkil Gerak Inisiatif Ramadan, Bantu Komuniti Fakir Miskin di Kemboja

## SDG

10/04/2025 / IRWAN AFFENDI MD NAIM



**DENGKIL, 19 MAC 2025** – Bersempena dengan bulan Ramadan yang mulia, Unit Jaringan Industri, Komuniti, dan Alumni (ICAN) Pusat Asasi UiTM telah menggerakkan inisiatif mengumpulkan dana untuk sumbangan makanan dan bekalan air bersih kepada komuniti fakir miskin di Kemboja. Program Khidmat Komuniti Antarabangsa ini merupakan inisiatif tanggungjawab sosial universiti (USR) warga Pusat Asasi UiTM Dengkil bersama rakan industri, Global Ehsan Relief Cambodia.

Bersempena dengan inisiatif ini, sebuah upacara serahan simbolik sumbangan secara maya telah disempurnakan melibatkan projek *Bakul Ramadhan: Sharing The Blessings, Spreading The Love* – Pek makanan untuk hampir 100 keluarga miskin berjumlah RM5000.00 dan *Telaga Kemboja: Sharing Rizq for a Blessed Ramadan* (bersama Kelab Khidmat Masyarakat) – sebuah telaga komuniti (*Community Water Well*) untuk 60 buah keluarga di Kampong Khleach, Wilayah Tboung Khmum, Kemboja

Majlis dimulakan dengan ucapan alu-aluan oleh Encik Mahadi Kamaludin, Timbalan Pengarah HEP & ICAN Pusat Asasi UiTM, yang menekankan kepentingan solidariti global dan peranan mahasiswa dalam tanggungjawab sosial. Seterusnya, Encik Zahry Mosa, Pengurus Global Ehsan Relief Cambodia menyatakan rasa terharu atas sokongan warga UiTM dan menjelaskan impak sumbangan kepada komuniti asnaf dan fakir miskin di Kemboja.



Majlis dihadiri oleh warga Pusat Asasi UiTM Dengkil, termasuk staf akademik, pelajar, serta para penderma yang budiman secara dalam talian. Kerjasama semua pihak menjayakan program ini membuktikan kesungguhan UiTM dalam melahirkan komuniti yang prihatin terhadap isu kemanusiaan global.

Inisiatif ini selari dengan Matlamat Pembangunan Lestari (SDG) Pertubuhan Bangsa-Bangsa Bersatu, khususnya SDG 1: Mengakhiri Kemiskinan dan SDG 6: Air Bersih dan Sanitasi, serta mencerminkan komitmen UiTM dalam pendidikan holistik yang meraikan nilai kemanusiaan sejagat.

Program diakhiri dengan harapan agar sumbangan ini dapat meringankan beban masyarakat Kemboja terutamanya dalam bulan Ramadan. Pusat Asasi UiTM mengucapkan ribuan terima kasih kepada

semua yang terlibat dan menjemput lebih banyak pihak untuk menyertai misi kemanusiaan pada masa hadapan.

Penulis: Irwan Affendi bin Md Naim



Tags: [GLOBAL EHSAN RELIEF CAMBODIA](#), [PUSAT ASASI](#), [UiTM Cawangan Selangor Kampus Dengkil](#), [Unit Jaringan Industri Komuniti dan Alumni \(ICAN\)](#), [Universiti Teknologi MARA \(UiTM\)](#)

Webinar “Rahsia Jimat Cukai: Apa Yang Perlu Anda Tahu?” Anjuran Fakulti Perakaunan UiTM Pahang

Amanat Rektor 2025: Hala Tuju UiTM Pahang ke Arah Universiti Bertaraf Dunia

## QUICK LINKS

[Ministry of Higher Education](#)  
[Academic Calendar](#)  
[Intake Calendar](#)  
[Graduate Quick Search](#)  
[Library](#)  
[UiTM Holdings](#)  
[WiFi UiTM](#)  
[E-Complaint](#)

## HUBUNGI KAMI

Universiti Teknologi MARA (UiTM)  
40450 Shah Alam, Selangor Darul Ehsan  
Malaysia  
Tel: +603-5544 2051 / 2000

